

1613.

8. Parl. 13 12²⁶³

LETTRES
PATENTES
ET
DECLARATION
DV ROY CONTRE
MONSIEVR LE PRINCE,
&c. enuoyée à Nosseigneurs
de la Cour de Parlement.

M. DC. XV.

22-31-1882

1882

Case

F

39

:326

1615 fol

THE UNIVERSITY
LIBRARY

DECLARATION DV
Roy contre Monsieur le Prin-
ce de Condé, &c. enuoyée à
Nosseigneurs de Parlement.

LOVYS &c. Dieu nous ayât voulu faire suc-
ceder à cete Courōne, en vnâge encor foi-
ble, & en vn mesme instant la Reine nostre
tres-honorée Dame & mere, ayant par l'ad-
uis des Princes de nostre sang, autres Princes
Ducs, Pairs, Officiers de la Couronne, &
par le general consentement de nos cours sou-
ueraines, esté admise à la Regence & conduit-
te d'iceluy, nostre premier & principal soing
en ce grand estonnement, où l'on se trouuoit
à cause du funeste accident du feu Roy, Henry
le Grand, nostre tres-honoré Sieur & Pere de
glorieuse memoire, fut de reconcilier toutes
les diuisions, rancunes, & mal-veillances qui
pouuoient estre lors entre nos subjects, afin
de les faire conspirer vnanimement, & par vn
mesme dessein, à la manutention de la paix,
repos, & tranquillité, auquel ce Royaume se
trouuoit lors, & parce que nous recognoissons
combien l'assistance des Princes de nostre sang
nous y pouuoit estre vtile, nous prîmes soing
en ce mesme temps de rappeler & faire reue-
nir nostre Cousin le Prince de Condé, qui se
trouuoit esloigné hors cedit Royaume, & par-
my les estrangers, esperans qu'estant près de

nous, & y tenant le rang & le lieu que sa naissance & sa qualité luy donnent, nous pouuions tant plus facilement & heureusement conduire les affaires de nostre-dit Royaume, mais si d'une part nos intentions nous succederent tres-heureusement, ayât par la bonne assistance qui fut donnée à nostre-dite Dame & Mere, & à nous, par la pluspart desdits Princes, Officiers de la Couronne, & principaux Seigneurs de cét estat, conserué la paix qui estoit lors dans iceluy, elles n'eurent pas le mesme succez de la part de nostre-dit Cousin, tant au lieu de receuoir de luy la bonne assistance que nous attendions, & à laquelle il estoit particulièrement obligé, tât par la proximité du sang d'oit nous attouche, & le particulier interest qu'il a à la conseruation de ce Royaume, comme aussi par le soing que nous auions voulu prendre de son retour, & par les dons & bien faicts que nous luy auions largement departis a son arriuée près de nous, il commença deslors de practiquer & tramer des factions & menées parmi tous nos subjects, tant Catholiques que de la religion pretendue reformée, & sonder les intentions des vns & des autres pour essayer de leur donner des impressions & subjects de mécontentemens qui les portassent à quelque soulèvement en sa faueur; & contre nostre auctorité. A quoy; apres auoir longuement travaillé, il se seroit par plusieurs fois esloigné & absenté de nous sous diuers pretextes, pour recognoistre s'il seroit suiuy & assisté en ses

mauuaifes intentions: Mais comme il ne trou-
 uoit sa partie assez forte pour émouuoir les
 troubles qu'il desiroit susciter, il se laissoit ai-
 sément ramener par la consideration de son in-
 terest & profit particulier, & des auantages &
 gratifications excessiues que nous luy auions
 faits, & à ceux qui nous estoient recomman-
 dez par luy, enquoy nous jugions ne deuoir
 rien épargner pour le ranger par la douceur à
 son deuoir, & éuiter par ce moyen la ruyne &
 desolation que nos subjects eussent receu
 procedans par autre voye. Mais comme sa
 mauuaise volonté ne cessoit qu'autant qu'il
 voyoit ne la pouuoit mettre à execution, il es-
 tima au commencement de l'année dernie-
 re, auoir trouué vn fondement plus certain de
 paruenir à ses desseins de se retirer d'aupres de
 nous, & ayant enmené avec luy quelques Prin-
 ces & Seigneurs, avec lesquels sous des con-
 siderations foibles & legeres, il s'y porta ius-
 ques à prendre ouuertement les armes, deli-
 urer commissions, & se saisir d'aucunes de nos
 villes: à quoy au lieu d'opposer les forces que
 nous auions en main assez puissantes pour luy
 faire ressentir le mal que luy pouuoit apporter
 la temerité de ses entreprises, nous resolumes
 encores avec l'aduis de nostredicte Dame &
 Mere & des Princes & Seigneurs qui nous assi-
 stoient, d'y porter les remedes que nostre dou-
 ceur & clemence nous suggereroient: & apres
 auoir enuoyé vers luy, & apprins ce qu'il auoit
 à proposer & demander, nous estimames qu'il

estoit plus expediant pour le bien & repos de nos subjects, d'oublier les fautes qu'il auoit en cela commises contre nous, & le contenter sur ce qui estoit de ses interests & auantages particuliers, que d'en venir à d'autres extremittez, dont suiuit le traicté qui fut fait à Sainte Manehoud, dans lequel pour couvrir ceste menée d'armes de quelque pretexte specieux, ayant fait demander d'une Assemblée generale des Estats de ce Royaume, nous la contentismes d'autant plus volontiers que quelques mois auparauant par l'aduis de nostre dicte Dame & Mere, & desdits Princes & Seigneurs qui estoient pres de nous, nous auions desia fait sçauoir aux Gouverneurs & à nos Lieutenans Generaux, & de nos Provinces & Cours Souueraines, que le desir de nostredicte Dame & Mere, estoit de faire ceste assemblée lors que nous commencerions à entrer en nostre Majorité; de laquelle nous approchions, tellement que deslors nous nous resolumes d'en faire la conuocation en la forme accoustumée, mais l'effect en fut retardé par les nouveaux deportemens de nostredict Cousin: lequel au lieu de se métre en son deuoir & se rendre pres de nous comme il estoit obligé, commença aussi tost que ledit traicté fut effectué, & qu'il eut receu en suite d'iceluy tout le contentement qu'il pouuoit desirer, a dresser de nouvelles pratiques, tant dedans que dehors le Royaume: Ayant en ce mesme instant despesché en Angleterre, Hollande, & autres lieux,

pour en y descriant le gouvernement & conduite de nos affaires, eslayer d'y former des associations & intelligences contre nostre autorité & service, incontinent apres s'acheminer en nostre prouince de Poictou, où il suscita encores de nouuelles factions & menées, mesmes parmy les habitans de nostre ville de Poictiers, dont il auoit eu dessein de se rendre maistre, & à quoy il eust peu paruenir si la diligence d'aucuns d'entr'eux n'y eust remedié, continuant neantmoins de se tenir tousiours aux enuirôs d'icelle avec des troupes & gens de guerre dont il se faisoit en cores assister, où il faisoit de grands dégasts & désordres, & tenoit lesdits habitans en continuelle crainte & ombrage, au mespris de nostre autorité, & qui nous donna sujet de nous y acheminer en personne pour l'en faire retirer & pouruoir a la sureté & conseruation de ladite ville, ainsi que nous fismes tres heureusement, & aussi tost que nous eusmes donné ordre aux affaires qui nous auoient obligé a faire ledit voyage, nous ne voulans tesmoigner à l'endroit de nostre-dit Cousin aucun resentiment de ses desordres nouveaux, nous nous rendismes en nostre bonne ville de Paris, où apres auoir fait à nostre Cour de Parlement la declaration de nostre maiorité, nous fismes l'ouuerture desdicts Estats Generaux que nous y auions assignez, mais nostre-dit Cousin mesconnoissant des graces bien faicts & fauorable traitement qu'il auoit receu de nous, & des

obligations qu'il nous auoit au lieu de prendre soin avecques nous de faue reussir ceste assemblée Generale de nostre Royaume, il trauailla continuellement pour desbaucher & alterer les affections de ceux qui estoient deputez en icelle, & essayer de les porter a quelques demandes & instances qui fussent preiudiciales a nostre autorité & au repos de nosdicts subjects, & recognoissant qu'il n'y pouuoit paruenir à son contentement, ayant rencontré la plus grande partie desdicts Deputez entierement porter au bien, il trauailla a semer vne diuision entre le corps desdicts Estats, & nostre Cour de Parlement à Paris par le moyen de laquelle apres la closture desdicts Estats, & par la continuation en diuers lieux de ses prattiques & factions ordinaires, il auroit tellement trauersé le soin que nous prenons de faire trauailler a la responce des cayers qui auoient esté presentez par ladite assemblée que nous n'auons iusques a present encores peu faire ressentir à tous nos subjects, combien nous desirions les contenter sur les instances qu'ils nous ont faites par iceux, mais nostre dit Cousin voyant que toutes les menees ne reussissent pas encores au point qu'il desiroit, il se seroit derechef resolu de se esloigner & absenter de nous avec quelques Princes & Officiers de nostre Couronne, nous ayant en ceste derniere retraitte fait cognoistre plus clairement & ouuertement que auparauant ses mauuaises

mauuaifes intensions, car comme nous auons
 tousiours eu le mesme dessein & desir de con-
 seruer auant qu'il nous est possible la paix
 & tranquillité de cest Estat, pour euiter les
 maux que la guerre & desordres apporteroit,
 ayant lors enuoyé vers luy aucuns de nos
 plus confidens & principaux seruiteurs pour
 le conuier de reuenir & nous rapporter les
 subjects qu'il pouuoit prendre de son esloi-
 gnement sur lesquels s'estant ouuert & luy
 ayant depuis fait cognoistre que nostre inten-
 tion estoit toute portee a effectuer a ce qu'il
 pouuoit desirer de nous pour la conduite
 des affaires, bien & auancement de ce Roy-
 aume en telle sorte qu'il ne luy restoit au-
 cun valable fondement pour s'esloigner de
 son deuoir, & comme nous nous voyons
 pressé de partir pour faire nostre voyage de
 Gouenne pour l'accomplissement des ma-
 riages qui auoient esté contractez avec l'ad-
 uis de luy & de tous les autres Princes de
 nostre sang, Pairs & Officiers de la Couron-
 ne, & principaux Seigneurs de nostre Con-
 seil, luy ayant fait scauoir le iour auquel
 nous estions contraint de partir pour nous
 rendre à Bourdeaux au temps que nous a-
 uions assigné pour ce sujet, & luy ayant
 derechef fait faire instance de nostre part de
 nous venir acompanyer pour prendre pres
 de nous le rang & fonction que sa naissan-
 ce & qualité luy donoent, ce fut alors qu'il
 ne peut plus cacher la mauuaise intention

qu'il auoit tousiours couüée contre nostre autorité & service, & qu'il fit assez cognoistre qu'il estoit plustost porté à les interets & demandes particuliers, qu'à ce qui pouuoit concerner le bien public, & prenant pour pretexte la precipitation qu'il dit estre de nostre dit voyage, il nous refusa absolument de nous y accompagner, tellement que nous fumes obligez par le soin que nous deuions auoir de la conseruation & repos de nosdicts subjects, de mettre sus quelques gens de guerre, pour pendant nostre esloignement prendre soin de la sureté de nos villes avec intentions n'obstant la desobeissance de ne exploiter, & n'entreprendre aucune chose contre luy, & ceux qui l'assistoient s'ils se contenoient en repos, & dans le respect qu'ils debuioit à nostre autorité & service, mais tant s'en faut qu'il en soit demeuré là, que peu de iours après il publia vn manifeste scandaleux, & tendant à sedition, & trouble generale de nos subjects, & non content de ce, à fait & escrit en diuers endroits plusieurs lettres, par lesquelles il publie se vouloir armer pour s'opposer à nostre dit voyage, & pour faire pouuoir à la reformation des abus & maluerfactions qu'il dit estre glites dans le Royaume qui est le pretexte facieux, duquel se sont ordinairement seruis ceux qui ont voulu secouer le ioug d'obeissance, à laquelle la nature les auoit obligez enuers leurs Princes souuerains,

& en suite de ce il auroit enuoyé en diuers Prouinces de ce Royaume plusieurs Commissions en perchemin & en papier signees de luy, & contre-signees de ses Secretaires, & cachetees du cachet de ses armes, par lesquelles il donne pouuoir de mettre sos de gens de guerre a pied & a cheual, de prendre & de saisir soubz son autorité & commandement nos villes & places, y establir Gouverneurs pour y commander, donne pouuoir de prendre & saisir les deniers de nos receptes, & prendre nos subjects qui n'adherent a ses mauuaises intensions, prisonniers, aduoué toutes actions qui seront faictes en execution de ce, contraint les habitans de nos villes qu'il estime nous estre plus affectionnez de sortir d'icelles, & les autres d'y receuoir garnisons sous son autorité, met troupes & gens de guerre, & fait cōduire canon en campagne, & commet tous actes d'hostilité, rebellion, & des-obeissance, ne faisant paroistre autre marque de ceste reformation, dont il fait son pretexte, que la misere, ruyne, & desolation de nos Prouinces, & les clameurs, souspirs, & larmes, de nostre pauvre peuple, qui sans ces mouuemens seroit en paix & en repos, en effect il ne laisse plus rien en arriere pour faire notoirement cognoistre iusques où se porte son ambition & mauuaise volonte enuers nous, & nostre Estat. Or comme ainsi soit, qu'apres auoir supporté avec toute la patience qu'il nous a esté possi-

ble, tous les susdits deportemens nous serons en fin contrainct, à nostre grand regret, & contre nostre humeur & inclination, d'y remedier par les moyens que Dieu nous a mis en main; voulans aussi empêcher que tous nos bons subjets ne soient surprins aux praticques, pre-textes, & seditions, dont vse nostre dit Cousin, & sur lesquels il fait son principal fondement, desirans que nostre volonté & intention soit sur ce cogneue. Sçauoir faisons qu'après auoir mis cét affaire en deliberation en nostre Conseil, où estoit la Reyne nostre-ditte Dame, & Mere, aucuns Princes & Officiers de nostre Couronne, & autres principaux Officiers de nostre Conseil, de l'aduis d'iceluy nous auons dit & déclaré, disons & déclarons par ces presentes, signées de nostre main, nostre dit Cousin, ensembles les Princes, Officiers de la Couronne, & tous ceux qui l'assistent & adherent à ses desseins, deschenz de tous hōneurs, estats, offices, pouuoirs, gōuernemens, charges, pensions, priuileges, & prerogative, qu'ils ont de nous, ou de nos Roys nos predecesseurs, & les auons reuocqués & les reuocquons dès à present, declarans nostre-dit Cousin le Prince de Condé, & tous ses adherans desobeissans, rebelles, & criminels de leze-Majesté, & comme tels voulons qu'il soit procedé contr'eux, tant en leurs personnes que biens, memoire & posterité, ensemble contre tous ceux qui l'assistent, & fauorisent directement ou indirectement, mandons à tous les Marechaux de

France, Gouverneurs & Lieutenans generaux de nos Prouinces, Cappitaines, Chefs, & conducteurs de nos gens de guerre de leur courrir fus, & à tous les Officiers, Maires, Consuls, Escheuins de nos Villes, de se saisir de leurs personnes, s'ils se trouuent en icelles, pour les mettre en nos mains, & les poursuiure par toutes les voyes & rigueurs des ordonnances faites sur semblables crimes, sauf neantmoins si dans vn mois apres la publication qui sera faite des presentes en nostre Cour de Parlement, nostre-dit Cousin & ceux qui l'auront assiste ne recognoissent leurs fautes & nous viennent trouver, où enuoyer vers nous pour s'acquitter effectuellement de ce qui est de leur debuoir en nostre endroit, & pour le regard des Gentils-hommes, & autres subjects particuliers, s'ils ne se presentent dans ledict temps aux sieges de nos Bailliages & Seneschauflées, pour en faire declaration & protestation, enregistrée dans le greffe d'iceux, & ne se departent entierement de toutes actions & entreprises contraires à nostre autorité & seruice, auquel cas nostre-dit Cousin le Prince de Condé, & tous autres, pourront tousiours attendre de nostre bonté & clemence, le traictement que meritent leur prompte obeissance, & donnons en mandement à nos amez & feaux les gens tenans nos Cours de Parlemens, Baillifs, Seneschaux, où leurs Lieutenans, & tous autres Officiers qu'il appartiendra, chacun endroit soy, que ces

presentes ils enregistrent, & fassent enregi-
 strer, garder, & observer, selon leur forme &
 teneur, & à nos Procureurs generaux desdi-
 tes Cours, faire toutes poursuites & dili-
 gences pour l'exécution d'icelles, & à faire
 punir & chastier tous ceux qui y contrevien-
 dront. Car tel est nostre plaisir. En tesmoing
 dequoy nous auons fait mettre nostre scel à
 ces presentes. Donné à Poictiers au mois de
 Septembre, l'an de grace, mil six cens quin-
 ze. Et de nostre regne le sixiesme.

Signé,

L O V Y S.

Et plus bas,

DELOMENIE.

ARREST DE LA COUR
DE PARLEMENT, DV
18. de Sept. 1615. interuenu
sur les Lettres de declaration
du Roy, données le mesme
mois.

LA Cour, toutes les Chambres assemblées,
deliberât, sur les Lettres patentes du Roy,
données à Poictiers au mois de Septembre,
portants declaration de sa volonté, cōtre ceux
qui depuis peu de temps ont pris & leué les ar-
mes sans la permission, ouy le Procureur gene-
ral, A arresté que le Roy sera aduertty par Let-
tres qui luy seront escrites, des causes & consi-
derations tres. importantes à son seruice, pour
lesquelles ladicte Cour n'a peu proceder à la
publication & enregistrement desdictes Let-
tres: Et neantmoins pour arrester le cours des
mouvements, & contenir les subjects en leur
deuoir & obeissance, a fait & fait deffences à
toutes personnes, de quelque qualiré & con-
dition qu'ils soient, de prendre les armes, faire
assemblées & leuées de gens de guerre, pour
quelque cause, & sous quelque pretexte que
ce soit, sans mandement & commission du
Roy: Enioint à tous Princes, Officiers de la
Couronne, Seigneurs, Gentils-hommes, & au-

tres, qui ont leué les armes sans commission du Roy, les poser, & se retirer; sçauoir les Princes & Officiers de la Couronne pres la personne du Roy pour le seruir, ainsi qu'il leur sera commandé; & tous Seigneurs & Gentils-hommes, & autres, en leurs maisons, dans yn mois pour tous delais; & à faure de ce faire, sera procédé contre eux comme criminels de leze Majesté, perturbateurs du repos public, suivant la rigueur des Ordonnances: Ordonne qu'à la diligence du Procureur general le present Arrest sera publié par tous les Bailliages, Seneschauflées, & Sieges de ce ressort.